

CONGREGATIONE

PARTICVLARI

A

SS.^{MO} DOMINO NOSTRO

DEPVATA.

Sabaudien. Priuilegiorum.

P R O

Dataria Apostolica.



Juris D. de Ferrarijs.



ROMÆ, M.DC.XCVIII.

Ex Typographia Reu. Camerae Apostolicæ.

SVPERIORVM PERMISSV.

CONGREGATIONE

PARTICULARI

A

22.^{mo} DOMINO NOSTRO

DEPUTATA

Sacraudien Privilegium



P R O

Declar. Apostolica

Juni D. de Perseus



ROME. MDCXXIII

Ex Typographia in Regia Curia Apostolica

Imprimatur

Sabaudien, Priuilegiarum.

Eme & Rme Dñe. V Etustissima hæc Controuersia, quæ super interpretatione Priuilegiarum, sed Indulgarum Serenissimi Domini Ducis, & Nationis Sabaudie iamdiu à Sæculo, & vltra excitata pluries ad fauorem Sedis Apostolicæ, tam extraiudicialiter, quàm etiã iudicialiter decisa fuit, quæquẽ modò tamquam noua in lucem prodit, sed verius reuiuiscit, dubio procul definienda videtur pro omnibus perpetuis futuris temporibus ad fauorem eiusdem Sanctæ Sedis; Quippè quæ pro libera collatione Abbatiarum intra districtum Regionis Pedemontanæ, fundatam vtique habet intentionem in assistentia iuris ex triplici, & quidem irrefragabili fonte exoriente. Et Primo ex absoluta potestate, siuè Dominio, quod Summus Romanus Pontifex, tanquam Vniuersalis Ecclesiæ Caput, & Rector habet in omnibus Beneficijs alienarum etiã Prouinciarum, & Diæcesum. Sicut enim ille potest titulos Beneficiorum creare, & creatos destruere, ratione absoluta, & generalis administrationis iure Diuino sibi tributæ, quemadmodum vno ore consentiunt, tam Theologi, quàm Canonistæ, *Telle D. Thoma secunda secunda quæst. 100. articulo primo in responsione ad 7. Sot. de iustit. & iure lib. 3. quæst. 6. artic. 2. & latius Cardinalis Bellarmin. controuers. tom. 1. de Roman. Pontific. lib. 1. ex cap. 5. 10. & seqq. Abbas Panormitanus in cap. Constitutus num. 13. de Religiosis Domibus, Cened. quæst. Canonie. 22. sub num. 4. Lotter. de re Benefic. lib. 2. quæst. 22. num. 10. & seqq. & Germon. de Indult. §. Per quæ sublati num. 37. & plurib. seqq. & communiter alij.*

Ita, & iure suo dicitur vti, quandò concurrat in Collatione Beneficiorum cum Ordinarijs locorum, vel quandò de eis, tametsi in alienis Diæcesibus existentibus aliter disponit, vel ea liberè sibi reseruat, vt scripsit Stephanus Papa Gualberto Patriarchæ apud Gratian. in Canon. Nunc verò 20. caus. 9. quæst. 3. ibi - *Licet Apostolica prerogatiua possimus de qualibet Ecclesia Clericum Ordinare - & in Canone si à Sede Apostolica 31. de Præben. in 6. ibi -* *Is, cui Sedes ipsa contulit, vel Legatus propter conferentis ampliorem prerogatiuam, erit alteri præferendus - Et in cap. Dudum 14. eodem titulo, & clariùs in Clementina prima in fine vt lite pendente ibi -* *Salua tamen in præmissis omnibus Romani Pontificis potestate, ad quem Ecclesiarum, Per-*

*sonatum, Dignitatum, aliorumq; Beneficiorum Ecclesiastico-
rum plena, & libera dispositio, ex sua Potestatis plenitudine
nosscitur pertinere - & communiter apud Theologos, & Cano-
nistas.*

Secundò Ius Sedis Apostolicæ, in hac peculiari quæstione colla-
tionis Abbatiarum Status Pedemontani, promanat ex longæ-
ua, ac diuturna obseruantia post dicta Indulta continuata,
vsque ad hæc tempora, secundum quam Romani Pontifices
Prædecessores dictas Abbantias, & Beneficia in mensibus Apo-
stolicis liberè contulerunt, absque assensu, nec intentione per-
habita à Serenissimo Duce, vt concludentèr ex pluribus au-
thenticis documentis demonstratur in nostro Summario lu-
rium. Vndè intrat responsum Pauli Iurisconsulti *in l. 36. ff. de
legib. & Senat. consult.* ibi - *Si de Interpretatione legis quæra-
tur, in primis inspiciendum est, quo Iure Ciuitas retrò in eia-
modi casibus vsa fuit, optima enim est legum interpret consuetu-
do* - cui consonat aliud monitum eiusdem Iurisconsulti *in l. 2.
ff. eod. in titulo* ibi - *Minimè sunt mutanda, quæ interpretatio-
nem certam semper habuerunt.*

Et tertio magis indubiū redditur huiusmodi Ius ex 're ludicata,'
tacita exaduerso acceptata, & exequutioni inconcussè vsque
adhuc demandata. Cū enim de anno 1659. sub Pontificatu s.m.
Alexandri VII. prætenso d.D. Ducis, ex benigna permissione
Summi Pontificis proposita fuerit, atq; submissa Iudiciali Tru-
tinæ Congregationis septem Prælatorum, Doctrina, & virtute
præfulgentium ad hunc effectum specialitèr deputatè, eadē vna-
nimi omnium Voto decreuit, Monasteria, seu Abbantias Regio-
nis Pedemontanæ sub dictis Indultis Apostolicis non compræ-
hendi *Summ. num. 13.* ; Cui quidem Iudicato tanquam vndiq;
iusto Serenissimus D. Dux, eiusque Ministri acquieuerunt, &
abindè citrà, tam prælibatus san. mem. Alexander VII., quàm
omnes alij Successores æqui, ac iusti zelantes Custodes in an-
tiqua, ac pacifica eorum possessione continuarunt, liberè con-
ferendo controuertas nunc Abbantias, earumque collationes
exequutioni demandando, nulla interposita reclamatione,
vt in Summario è *num. 14.* vsque ad 31. Ideoque cum huic parti,
vltrà claram Iuris assistentiam arrideat etiam res ludicata,
iam exequuta hæc prò veritate habetur, quæ non debet exad-
uerso in dubium reuocari, neque minorem obtinet authorita-
tem, quam solemnibus Transactionis, seu concordati, cui res lu-
dicata recta ratione æquiparatur ad *Textum in l. res ludicata
208. ff. de regul. Iur. & l. Ingenuum ff. de Stat. Homin. & l. non mi-
norem 20. Cod. de Transact.*

Atque hinc aduersùs tot iuridica fundamenta, quibus Sedes Apostolica innititur parùm, aut nihil releuant extraneæ, & improprie interpretationes, quas Domini Aduersantes attribuunt antiquis Indultis Apostolicis san. mem. Nicolai, Sixti, & aliorum Summorum Pontificum, ex quibus probare conantur sub eorum concessione, non minùs Monasteria Status Pedemontani, quàm alia Ducatus Sabaudie contineri. Etenim contraria huiusmodi interpretatio, vel est omninò fallax, & erronea, vt modò infrà apertè ostendetur, vel in omnem casum aded dubia, & æquioca, vt attendi non debeat ad infrigendam auctoritatem rei iudicatæ obseruantia antiqua, media, & recenti munitam, aduersùs quam in lure nostro non admittuntur ingeniosa ratiocinia, vel subtiles argumentationes, sed vndique solida desiderantur documenta, quæ illius iniustitiam aded apertam demonstrent, vt nullo velamine possit celari, vel adumbrari, vt monet *Textus incap. consanguinei* 11. §. *Fraternitati*, & *cap. intèr vos* 13. de *Sentent.* & *re iudicat.* *Innocen. in cap. ex litteris*, & *cap. auditis de situtione in integrum Giurb. decis.* 18. n. 7. & 8. *Benintend. dec.* 85. n. 7. *Seaccia de Sentent.* & *re iudicat. gloss.* 14. *quest.* 2. n. 7. *in fine*, *Adden. ad Ludouic. de iur.* 459. n. & *Rota decis.* 266. num. 11. par. 1. 5. & *decis.* 210. num. 3. *part.* 18. *recent.*

Huius autem generis non sunt Argumenta in oppositum deducta, & quæ ad quatuor tantùm genera reducuntur: quorum primum desumitur ex qualitate, seu natura Pontificiæ concessionis seu potius promissionis, seu concordati, Secundum ex causa motiua, seu finali eiusdem concessionis. Tertium ex propria, ac naturali significatione verborum, illorumque contextu, & Quartum ex subsequuta obseruantia exemplis comprobata. Nullum tamen subsistit, nec exoptatum intentum concludit.

Non quidem primum. Quod scilicèt Indulta huiusmodi à Sede Apostolica elargita Serenissimo Duci, & Nationi Sabaudie emanauerint ex causa præcedentium dissentionum exortarum intèr Supremos Principes, & Romanam Sedem super refectionibus, & dispositionibus Dignitatum Episcopaliū, & Abbatialiū, aliorumque Beneficiorum Ecclesiasticorum, de quibus actum fuit in Concilio Constantiensi, & Basiliensi; Adeoque eadem censeri debeant emanasse per viam concordatorum, sicuti cætera alia concordata, ex Sedis Apostolicæ placito promanarunt cum alijs Nationibus, scilicet Germana, Polona, & Gallica. Siquidem nullum de præambulo tracta-

tu, minùsque de conclusione assertorum concordatorum cum Natione Sabaudia assertur documentum, nullumque indicatur Testimonium apud Historicos, aut probatos Auctores; sicuti quamplurima suppetunt de concordatis cum Natione Germanica, Polona, & Gallica, cum quibus pravijs pluribus tractatibus verè fuerunt inita, & valdè quidem generale, parumque concludens est argumentum exaduerso deductum, ex eo quod plures Episcopi, & non parui Abbates vtriusque Sabaudia, Aliobroges scilicet, & Pedemontani interuenerint in d. Concilio Basiliensi, eiusq; Decreta amplexati fuerint non minùs quàm Germani, & Galli, ibiq; ad Summum Pontificatus Apicem euectus fuerit Amadeus Sabaudia Dux sub nomine Felicis V., siquidem cum hæc longè antea dd. Indulta gesta fuerint, & de tempore, quo pessimum, & detestandum schisma pessundabat Ecclesiam Catholicam, ex actis præcedentis Concilij Basiliensis, quod Conciliabulum schismaticum, seditiosum, & nullius prorsus Authoritatis appellat subsequuta Oecumenica Synodus Lateranensis sub Leone X. celebrata in sess. 1. nullum desumi valet validum argumentum quod concludat Decreta eiusdem Basiliensis Conciliabuli causam præbuisse concordatis, seu concessionibus ad fauorem Nationis Sabaudie indultis. Nam vt optimè monet eruditissimus Card. Turcremat. in Summ. de Eccles. lib. 3. cap. 24. *Cum Concilium Basiliense, ut toti Orbi notum est, scandalosum fuerit, & in multis præsumptuosum transgrediens terminos, quos posuerunt Patres Sancti in Concilijs vniuersalibus, ab illo nullum argumentum sumendum est.*

Potissimum cum primum ex dd. Indultis emanauerit à Nicolao V. sub anno salutis 1451 & sic de tempore quo Catholica Ecclesia Nauis infelicitè ante aberrans, diuina inspirante aura delata erat ad tranquillum Portum Romanæ Sedis, & postquam spontè renunciato Pseudo Pontificatu per Amadeum Sabaudia Ducem, redactisq; Patribus, & Episcopis vtriusque Sabaudia sub legitimo Jugo Apostolicæ Sedis, res erant in perfecto statu tranquillitatis, & ipse Amadeus ab eodem Nicolao creatus fuerat Apostolicæ Sedis Legatus in Patria sua, vt referunt Bayl. in summa Conciliorum Generalium tom. 1. in actis Concilij Basiliensis fol. mib. 491. & cæteri alij Historici passim Neq; assumptum contrarium aliquo modo probatur ex Apostolicis litteris ipsius Nicolai; quippè quæ in integro earum contextu nullam habent conuentionem de præcedenti mutuo tractatu, nullumq; verbum, quod sonet in concordatum conuen-

uentionale, & necessarium; quinimodò apertè præferunt ex
 mera, & gratuita liberalitate, & ex voluntariis causa Amoris,
 & Benevolentia ergà Sereniss. Ducem priuilegia huiusmodi
 indulta fuisse; vt clarè demonstrat; tùm causa prægiamialis
 eiusdem Indulti desumpta ex paternæ charitatis affectu, & ex
 sollicita Cura, quàm habent Romani Pontifices prouidend;
 tranquillitati, & paci cuiuslibet Status Catholicorum Princi-
 pum. Tum subsequuta expressio liberalitatis, fauoris, & Bene-
 uolentia specialis ergà personam Ludouici Sabaudia Ducis
 tunc regnantis, ibi— *Congruit tamen nos Catholicos Principes*
nobis, & Apostolicæ Sedi deuotos, quod à nobis sincerè requi-
ritur, propensioribus fauoribus prosequi, & clarius infra— *Di-*
lectum filium nobilem Virum Ludouicum Ducem Sabaudia
&c. fauore beneuolentia specialis et considerationis nostræ
respectu prosequi volentes &c. vt latius in nostro *Summ. n. 1.* &
 licet deinde in dispositiua Summus Pontifex adhibuerit ver-
 ba illa — *hac serie certum reddimus, & sibi promittimus,* cum
 tamen hæc promissio non fuit facta per stipulationem, neque
 præiudicium tractatu, sed ex præmissa causa liberalitatis, & beneuo-
 lentia, vtque concessionem *firmiorem* redderet, non immutat
 utiq; naturam gratia, seu Priuilegij, neq; eam facit transire in
 aliam speciem concordati, sed resolutur in simplicem pollici-
 tationem obseruandi, & custodiendi gratias concessas; quæ ad-
 modum apertè suadet totus contextus Indulti, & clariùs de-
 monstrat discretius, & diuersus modus, quo idem Nicolaus
 Valijq; Romani Pontifices vsi sunt, quando cum alijs supremis
 Principibus Catholicis concordata super collatione Benefi-
 ciorum conuenerunt. Non enim per viam Indulti, nec per ver-
 ba præferentia gratuitam, aut remuneratorem meritorum
 concessionem, sed præiudicium mutuo tractatu ordinationes,
 & Capitula, seu Statuta per vtriusque Ministros concor-
 darunt, ac stabiliuerunt, eaque sic concordata examinari
 magna maturitate fecerunt per S.R.E. Cardinales, & deinde per
 Constitutionem Apostolicam approbarunt, ratificauit, laudauit, &
 acceptauerunt, vt de concordatis Germaniæ iussis inter Federi-
 cum Imperatorem, Principesque Germaniæ, ac Legatum
 Apostolicum apparet ex Bulla ipsius Nicolai V. in *Bullar.*
nov. tom. 1. Inter suas, la prima, ibi— Nuper siquidem ca-
rius in Christo Filius noster Federicus Romanorum Rex
Illustris, & nonnulli alij dilecti Filij Ecclesiastici, & secu-
lares Principes inclite Nationis Germanicæ ex vna, & dile-
ctus Filius noster Ioannes Sancti Angeli Diaconus Cardinalis

in partibus illis Apostolica Sedes de Latere Legatus per nos
ad dictas partes missus, sufficienti desuper à nobis, & Sede
Apostolica auctoritate sufficiens ex illa partibus, Romanæ
Ecclesiæ, & dictæ Nationis nominibus pro ipsius Ecclesiæ unio-
nis, pace, & tranquillitate inter Ecclesiam, & Nationem
predictam perpetuo solidandis, & conservandis, diversa ratio-
nabilia, & utilia, ordinationes, & statuta à Partibus ipsis
hinc inde approbata, laudata, & conclusa, acceptata, & con-
cordata fuerunt, ac ediderunt &c. Nos itaque, qui statuta,
ordinationes, & concordata predicta per nonnullos ex Venera-
bilibus Fratribus nostris sanctæ Romanæ Ecclesiæ Cardinali-
bus magnarum auctoritatis, & litteraturæ Viros diligenter
examinari, & discuti fecimus, eaque rationabilia, & salu-
bria tam Ecclesiæ, quàm Nationi prefate fore comperimus
&c. Apostolica auctoritate, & ex certa scientia approbamus,
ratificamus, laudamus, & acceptamus, & presentis scripti
patrocinio communimus iuxta modum, & formam subsequen-
tes.

Et in concordatis Galliarum inter sanctum memorem Leonem X., & Francis-
cum Regem initis, consimili ferè modo, processum fuit, ut
testatur Bulla Apostolica inter impressas dicti Leonis X. la-
te Bullar. nov. tom. 1. fol. mihi 578. §. 5., & 6., & signanter
in versu. In locum dictæ pragmaticæ sanctionis, ac singulorum
Capitulum in ea contentorum infra scriptas invicem tracta-
tas, & cum Fratribus nostris S. R. E. Cardinalibus diligen-
ter examinatas, & de eorum consilio cum prefato Rege concor-
datis per dilectum Filium Rogerium Barni Advocatum, Ora-
torem suum, ad hoc ab eodem Francisco Rege ad nos destina-
tum habentem ad hoc speciale, & sufficiens mandatum &c. sta-
tuimus, & ordinamus, quod de cætero loco dictæ pragmaticæ
sanctionis &c. infra scriptæ observentur Constitutiones &c.,
& ita pariter servatum fuit in Concordatis Poloniæ, de qui-
bus meminit P. Thomassin. de Benefic. part. 2. lib. 1. capit. 45.
num. 4. in fine.

Cum alij autem Regibus, & Principibus ad debitam obedi-
entiam prionioribus Sedes Apostolica nulla iniit Concordata,
sed ex mera liberalitate, nullaque cogente necessitate, Gra-
tias, & Indulta diversis quibusque temporibus elargire con-
suevit, ut paulo post allegatos Schismaticos motus Basilienses
Eugenius IV. respondens Portugalliæ Regi protestatus est,
Apostolicam Sedem dispendere de Episcopatibus, alijsque Be-
neficijs iuxta Ecclesiæ utilitatem, non expectato aliquo Re-
gum

gum assensu, & quamuis preces sibi frequēter porrigerentur a Regibus Gallia, Angliæ, & Hispaniæ, nihilominus ait à se eis tantū tribui, quantū sineret Apostolicæ Sedis Dignitas, & vtilitas Ecclesiarum, ibi — *Supplicant nobis Reges Franciæ, Angliæ, & Hispaniæ, caterique pro Prælatorum promotionibus, nobisque commendant, quos viles, & idoneos credunt. Nos exaudimus, quantū cum Deo possumus, & honorē nostro preces eorum. Vbi verò aliter videtur nobis procommodo, & bono regimine Ecclesiarum, Reges, & Principes acquiescunt, vt refert Raynald. ad annum 1439. num. 37., & anno 1440. num. 2. & Thomasin. de Benefic. part. 2. lib. 1. d. capit. 45. sub num. 3.*

Quāmobrē cū Sabaudia Duce Nicolaus V. alijsque Pontifices Successores vtpotē cū Catholico, & Sanctæ Sedi obediēte Principe nullam habuerint necessitatem iniendi concordata, aut conuentiones, sicuti cum alijs præmemoratis Nationibus ea inire coacti fuerunt, nullaque cum eo præcesserit mutua tractatio, nec subsequens Capitulorum conuentio, aut approbatio, euidens vtique redditur, quod Indulta diuersis temporibus eidem Duci, & Nationi Sabaudia elargita, non mereantur nomen *Concordatorum*, seu conuentionum, sed reputanda sint mera Priuilegia Gratia, & concessionis ex liberali Sanctæ Sedis benignitate tributæ, argumento sumpto à discretiui disponendi, seu procedendi modo cum alijs Nationibus obseruato, quod est in iure validissimum *ad Text. in lonic. §. Vbi autem vers. Sed & varietatis C. de caduc. tollend.*

Quodque desuper comprobatur ex subsequēta confessione, & agnitione ipsarum Partium, quæ in successiuis confirmationibus expetitis, & obtentis à Sede Apostolica, dicta Priuilegia nunquam concordata nuncupauerunt, sed semper Indulta, & concessiones, & præceteris in Bulla san. mem. Leonis X. data in nostro *Summ. num. 3.*, ibi — *Nos igitur, qui præfatum Ducem specialis deuotionis affectu ex visceribus charitatis prosequimur, huiusmodi supplicationibus inclinati, singulas litteras prædictas, & in eis contenta quæcumque, & quatenus sint in usu omnia, & singula Priuilegia, concessiones, gratias, & Indulta tam per Romanos Pontifices &c. Et hæc eadem verba continent Apostolicæ Confirmationes sm. Clem. VII., Iulij III., Gregorij XIII., & Clementis VIII. eodem *Summ. d. Num. 4. & seqq.*, & factus est ipsemet Senatus Pedemontanus apud Ioannem Antonium ab Ecclesia Ducalem Senatorem, &*

Consiliarium in obseruatione forensi. 190. num. 8. lib. 1., vbi hæc ait — *Illud tamen certum est, quod Sabaudia Ducis de Apostolica Ecclesia, & Sanctæ Sedis Romanæ culmine semper benemeriti ob innumera egregiè gestorum facinora &c. quamplurimis priuilegijs, & prærogatiuis ab eadem Sancta Sede donati, & decorati fuerunt, & præsertim à Nicolao V. &c. Quæ quidem subsequuta Indulta successorum Pontificum, & confessiones Ducum, & Ministrorum Sabaudia benè declarant naturam, & qualitatem concessionum antecessoris Pontificis, etiamsi verba essent dubia, vt benè obseruat Menoch. cons. 191. num. 48. lib. 2., & Rota dec. 345. num. 51. cor. Caccin. cum alijs concordantibus ibidem relatis.*

Quibus sic positis mole sua ruit primum fundamentum DD. Aduersantium innixum in natura, & qualitate concordatorum, ex qua probare conantur, quod cum illa sint iniuncta ad conseruandam pacem, & vnionem inter Supremos Principes, & Sedem Apostolicam fauorabilia sint reputanda, latèque interpretanda, seu extendenda de casu ad casum, vel de loco ad locum ex identitate rationis. Siquidem cum ex prædictis constet, quod sint merè Indulta, seu Priuilegia iuxta illorum notissimam naturam strictè sunt intelligenda, & cum sint concessa Principibus Laicis, vel Regibus sunt in iure canonico odiosa, & propterea ita veniunt interpretanda, vt quantum minùs fieri valeat derogent Supremæ Potestati, seu liberæ dispositioni Beneficiorum, quam omni iure habent Summi Pontifices, vt in specialibus terminis Card. de Luca de Benefic. disc. 110. num. 9. in supplement., & Rota dec. 84. num. 7. & 8. part. 2. coram Capotaquen., & apud Francesc. var. resolut. cap. 16. num. 218. & seq.

Et in indiuiduo Indultorum. Sereniss. Ducis Sabaudia German. de Indult. Cardinal. S. Per quæ sublatis num. 110., & Rota coram Puteo dec. 25. aliàs 23. lib. 2. in correctis.

Succedit secundum argumentum contrarium desumptum ex generali ratione, seu causa finali Pontificiæ concessionis, quæ cum fuerit prouidendi statui pacifico, & tranquillo Principum Catholicorum, & ne Status sui dispendia subeant, & quæ ut ipsos conturbet aduersitas intestina, vt sunt verba præfata Indulti Nicolai V., exindè arguitur, quod cum hæc eadem ratio æqualiter respiciat collationem Episcopatum, & Monasteriorum Prouinciæ Vleramontanae, quàm Prouinciæ Pedemontanae, motiuum præbeat extendendi priuilegium ad Abbacias vtriusque regionis.

Verum enim verò hæc ratio prohæmialis licet apparetur videretur vniuersalis, & adaptabilis ad prouisiones Ecclesiæ, & Monasteriorum vtriusque Status, nihilominus intrinsecè ponderata magis propriè conuenit Regioni Sabaudia, quàm Pedemontanæ, Nam illa tanquàm extra Italia fines, & ultra Montes posita, & confines habens cum Nationibus Belligeris, magisque remota à residentia Supremi eius Principis, & a personali illius præsentia maius dubio procùl timere poterat periculum intestinae aduersitatis à Summo Pontifice præ oculis habitæ, quàm Regia Pedemontana, quæ tanquàm intra Italia fines constituta, & finitima Nationibus in otio pacis educatis, necnon ab immediata Supremi Principis assistentia gubernata longè plus remota erat à probabili metu Ciuiliū seditionum, Vndè cùm huiusmodi Indulta certam habeant rationem magis adaptabilem Regioni Sabaudia, non potest, nec debent extendi ad alias Regiones, quemadmodum rescripsit sa. mem. Alexander Pontifex Tertius in cap. *Sanè de priuilegiis* ibi — *Temerarium, & indignum est aliquem sibi sua auctoritate presumere, quod Romana Ecclesia alicui certa ratione inspecta singularibus voluit Beneficij indulgere, & ibi communiter Canonistæ.*

Et quatenus etiam Ratio prohæmialis, quæ vt plurimum, vel semper latius patet, conueniat etiam Regioni Pedemontanæ, adhuc cum dispositiua Indulti sit restricta ad Dominium, sed Statum Sabaudia, vt infra clarè demonstrabimus; ea apta non est ad extendendam Priuilegij concessionem de loco ad locum, vel de vno genere Beneficiorum ad alterum ea ratione, quia agitur de priuilegio, sed Indulto Iuris Intentionis, siue consensus à Sede Apostolica concessi Principi Laico super Beneficij Ecclesiasticis, quod tanquam exorbitans à Iure communi Sacrorum Canonum, & odiosum non debet, nec potest extendi de casu ad casum, nec de loco ad locum ex identitate rationis, quinimod nec etiam ex maioriore, vt apertè statuit vtrumque Ius; Canonicum scilicet in cap. *Porro 7. & disto cap. sanè 9. de Priuilegiis*, & Ciuile in l. *quod contra 14. & l. Ius singulare, ff. de legibus*, & l. *si verò 64. §. de vir. ff. solut. matrim.*, Gonzalez in d. cap. *porro num. 2. & in disto cap. sanè num. 1. & 6. Putr. ibidem num. 1., & Abbas in princip. Suarez de legibus lib. 8. cap. 10., & 11. Salas eodem tractat de legib. disput. 17. sect. 6. & 8. Sanchez de matrim. lib. 8. disput. 1. num. 38. cum alijs relatis per Episcopum Roccam Selectar. Iur. disputat. tom. 1. cap. 76. num. 16. in fine, & Sat. Rota dec. 276.*

num. 12. part. 11. decis. 65. num. 2. & 3. part. 15. & decis. 134. num. 3. part. 18. recent., & decis. 19. num. 5. coram Buratto, & decis. 154. num. 10. & 24. coram Duran., & frequenter in alijs.

Maiorem autem vim constituunt D. D. Aduersantes in lata, ac generali significatione verborum prioris Indulti sapè memorati Nicolai V., in quo cum concessio, vt aiunt, indefinitè, & vniuersalitèr loquatur de quibuscumque Ecclesijs, & Monasterijs existentibus infra districtum Ducis Sabaudia, certò arguunt illud complecti cunctas Regiones, & Prouincias dicti Principis imperio subiectas, sed ceteris alijs leuius est argumentum, quod à generalitate, sed vniuersalitate sermonis deducitur; cum nullum verbum aded vniuersale reperiatur in dispositionibus, quod ex subiecta materia, vel ex præsumpta ratione, vel ex alijs verbis, sed circumstantijs adiunctis non debeat restringi ad iustum, & rationabilem intellectum, vt inquit *Bald. in cap. causam quæ num. 6. de rescript. Cardin. Mantica. de tacit., & ambiguïs conuent. lib. 5. tit. 7. num. 31., & Rota decis. 326. num. 4. part. 16. rec.*

In casu autem proposito vniuersalitas verborum respiciens omnes, sed quascumque Ecclesias, & Monasteria immediatè restringitur ex verbis annexis, & subsequenter ibi - *Infra districtum sui temporalis Dominijs consistentium*: districtus autem temporalis Dominijs licet aliquando improprie, & per translatum significet omnia loca extrà Prouinciam, & Regnum, in quibus supremus aliquis Princeps ius habet distringendi, & imperandi, vt de Republica Romana dici consuevit, quod sub suo districtu totum orbem habebat. Proprie tamèn significat quidquid accedit in subiectionem Ciuitatis, sed Feudi intrà fines illius, sed extrà fines Territorij simul cum Ciuitate principali statutos, vt benè obseruat ex aduersò laudatus *Franciscus Arelin. cons. 77. numer. 4. & Simon. Scard. in Lexicon. iuris in verb. districtus. vers. vel districtus proprie est Dominium.*

Et specialitèr quando respicit loca Feudi, quod solum comprehendat Territorium, sed tractum illum intra fines Feudi, in quo Dominus, vel Princeps Vassallos vel Tenentes suos distringere potest benè deducitur ex *lib. 1. Feudorum tit. 5. §. 4. ibi - Si quis Feudum intra Curtem detinuerit, & Dominus districtum habuerit - & lib. 2. tit. 54. ibi - Qui allodium venderis, districtum, & iurisdictionem Imperatoris vendere non presumat* alijsque exemplis, & A uthoritatibus comprobatur

bat Carolus Du Fresne Dominus de Cange in gloss. ad Scriptores Med. & Infim. Latinitatis tom. 2. in eodem verb. distriktus.

Quare cum Indultum Nicolai directum fuerit Ludouico Duci Sabaudie, non autem Ludouico Principi Regionis Pedemontane; verba illa -- *Infra distriktum sui temporalis Domini* licet late pateant, & omnia loca etiam extra particulare Territorium Ciuitatis Dominantis dicti Ducatus comprehendant; & quidquid eidem Ducatui in subiectionem accedit; non transgrediuntur tamen fines, sed terminos extra Ducatum, nec extendi valent ad Statum Pedemontanum, qui cum proprium sibi retineat Principatus titulum, sed nomen, & proprijs legibus moderetur, sed regatur, venire non potest sub nomine distriktus temporalis Domini Ducis Sabaudie in Indulto Pontificio à lure, exorbitanti, & Sac. Canonibus odioso, in cuius interpretatione verba proprie, & strictè sunt intelligenda, vt ultra generalitèr supra allegatos in nostris terminis tradunt Gabriel. conf. 195. num. 8. & seqq. lib. 2. Angel. de Aretio conf. 40. num. 51. & 52. Menoch. conf. 1156. num. 67., & seq., & plenè Rota in decis. 316. num. 7., & seqq. part. 9. recent., & in decisione eiusdem causæ impressæ apud Dian. oper. moral. to. 8. pag. 649.

Eoque fortius si ponderetur virtus, & robur illorum verborum, scilicet *infra distriktum sui temporalis Domini consistentium*, quæ essent incongruè apposita, si iuxta erroneum sensum D.D. Aduersantium intelligi deberent de tota, & integra Dominatione Serenissimi Ducis; Sat enim fuisset disponere de omnibus, & quibuscumque Ecclesijs, & Monasterijs totius sui Status. Dùm ergo Summus Pontifex generalitatem Ecclesiarum, & Monasteriorum restrinxit, ad eas, quæ existerent infrà distriktum; Necessariò dicendum est, quod excludere voluerit alias existentes extra distriktum ex nota regula, quod inclusio vnius est exclusio alterius, de qua *Textus in l. cum Pretor, ff. de Iudic. ibique scribentes communiter.*

Maximè cum dicta exclusio de alijs Ecclesijs, sed Monasterijs prædicari non valeat, quàm de illis existentibus in Principatu Pedemontano, quæ si comprehenderentur, inutilis remaneret implicita exclusio, neque in alijs extra Statum Pedemontanum esset verificabilis, & superuacanea desuper redderetur operatio dictæ dictionis. *Infra distriktum*, quæ cum includat tantùm loca eiusdem distriktus excludit cætera loca extra, vel propè ipsùm distriktum Ducatus ad *Textum in l. prima §. cum verbum ff. de*

ff. de offic. Præsid. vrb. l. final. ff. de captiu. l. quero, & l. in vendit. ff. de act. empt. Gratian. discept. 301. nu. 20, & in similib. Rota in d. decis. 316. num. 10. part. 9. recent.

Crescitque argumenti robur ab expressione confinium Sabaudia, quæ in eodem Indulto Nicolai legitur occasione compræhensionis trium Prioratuum, & vnius Præposituræ, quorum collationem Summus Pontifex sibi reservare voluit cum eadem qualitate intentionis habendæ à Domino Duce; Cùm enim hæc Beneficia, vel sint in confinibus Sabaudia, vel à dicto Pontifice expressa fuerint tamquam existentia in confinijs Dominiorum suprâ expressorum, ibi- *Qui in confinijs Dominiorum huiusmodi existunt* jam patet, quod præcedentèr sub eodem Indulto non intellexerat comprehendere, nisi loca Sabaudia, quæ continebatur intrâ fines expressos, & consequens excludere Regionem Pedemontanam, quæ extrâ designatos terminos existit ex nota regula, quod confine excludit ex se totum illud, quod est extrâ confinatum ad *Textum in l. cum Servo ff. de contrahend. empt. Bald. in l. fines C. de euit. Hieronym. a Monte de finibus cap. 15. num. 2., & Rota decis. 139. num. 18 part. 9. decis. 1. num. 15. part. 17. & dec. 326. n. 13. part. 18. recent.*

Agnosceatur ex aduerso vis huiusmodi argumenti; Ideoque evitari conatur ex duobus suppositis. Alterum scilicet, quod Nicolaus in hac speciali prouisione nihil aliud agere voluerit, nisi à forma priùs in Indulto præscripta circa prouisiones, & collationes omnium Beneficiorum, & Dignitatum post Pontificales maiorum excipere dictos Prioratus Tallueriarum, Ripalis, & Noualitij, ac Præposituram Montis Iouis. Alterum autem, quod Præpositura Montis Iouis distet vltra viginti milliaria à Ducatu Sabaudia, & consequentèr sit extrâ fines illius, proût etiã Prioratus Noualitij sit in Principatu Pedemontano Diocesis Taurinen. Indeque inferitur, quod exceptio debet esse de regula, alias esset derisoria.

Cùm autem neutrum ex præmissis suppositis subsistat, vel quatenus vtrumquè subsisteret nil releuet, nec ad intentum contrarium concludat, hinc tanquã fallax corruiat consequentia contrariæ animaduersionis; Et sanè non subsistit, quod sciam: Nicolaus V. disposuerit de his Prioratibus per viam exceptionis; dùm sola lectura Indulti apertè demonstrat de eis disposuisse per viam ampliacionis, & extensionis Priuilegij. Cùm enim in prima illius parte concessisset, quod nemò sine intentione, & consensu Ducis promoueretur ad Cathedralis,

& Monasteria, & deinde quod Dignitates post Pontificalem maiores, & Prioratus conuēuales in districtu prefato existentes non prouiderentur, nisi personis idoneis de locis ditionis ipsius Ducis, aut sibi gratis, vel de alijs locis oriundis, demum per viam nouæ Orationis incepti, non autem continuati, nec per viam exceptionis, ampliauit Indultum ad supradictos tres Prioratus, & vnam Præposituram, & voluit quod isti similiter non constrentur, nisi de intentione eiusdem D. Ducis ibi -- *Præterea Prioratus Tallueriarum &c. nulli conferemus, nisi similiter prius ab ipso Duce etus intentione habita de personis, quibus fuerint conferendi, quæ quidem verba concepta per viam nouæ Orationis, & cum ditione Præterea extendunt mentem concedentis, & actus dispositionem protendant, & ampliant ad Textum in §. Præterea de verb. signification. Barbof. de diction. vsufrequen. diction. 280. num. 2., vbi alios citat.*

Maximè attendenda alia ditione similiter, vt supra posita, quæ cum referat omnimodam similitudinem concessionis supra enunciate, etiam cum suis qualitatibus importat per omnia ita concessum hoc Priuilegium in dictis Prioratibus, vt prius concessum fuerat in Cathedralibus, & Abbasij, & sic per viam principalis dispositionis, non autem exceptionis ad Textum in l. si j qui 26. ff. de donat. caus. mort., Gabriel. conf. 8. num. 8., & conf. 148. num. 13. vol. 2., Fructusius à Ponte conf. 19. num. 6., & optimè Rot. decis. 2121. num. 24. coram Coccino.

Indèque germana hæc intelligentia reddit equiuocam, ac inefficacem coniecturam, quæ ex aduerso desumitur ex natura exceptionis, quæ non adest, & tamen vbi etiam per hypotheseum dispositio de dictis Prioratibus concepta esset per viam exceptionis; adhuc cum Summus Pontifex eos crediderit positos esse in confinibus Ducatus Sabaudie, & in controuertibiliter resultat ex verbis illius Indulti, quæ in confinibus huiusmodi Dominiorum consistunt; Hæc sola credulitas concedentis sufficit, vt ad interpretationem Indulti haberi debeant præ existentibus in confinio, vt quæ præsupposita exceptio iudicetur de regula, id est de Beneficijs pertinentibus ad dictum Ducatum Sabaudie, etiam si alias essent de Principatu Rodemontano, cum præ interpretatione cuiuslibet dispositionis non debet attendi quid in rei veritate sit, sed qualis fuerit mens, & sensus concedentis, illiusque credulitas tamen

tametsi erronea, ad tradita per *Bonden. collat. 8. num. 53. versic. quod aded verum est lib. 1. , & collat. 49. num. 64. tom. 2. , Rota coram Gregor. decis. 265. num. 3. , & coram Celso decis. 86. num. 7.*

Huiusmodi Nicolai V. concessionem limitatiuam Priuilegij ad Ecclesias, & Monasteria Ducatus Sabaudie magis aperte comprobant successius Indulta aliorum Summorum Pontificum, & incipiendo ab illo sa: mem: Sixti IV. , quod superuenit de anno 1474. , & sic 23. annis post sapredictum Nicolai Priuilegium . Istud si cum illo combinetur euidenter verum demonstrat nostrum assumptum, & contrarium erroneum conuincit. Indultum enim Nicolai iuxta sensum DD. Aduersantium in medium profertur tanquam concordatum inter Sanctam Sedem Romanam, & Serenissimum Ducem, & Nationem Sabaudie, in quo hæc omnia conuenta, stipulata, & promissa exaggerantur. Primo scilicet, quod sine consensu, & intentione Ducis nemò promoueretur ad Ecclesias Metropolitanas Cathedrales, & Dignitates Abbatales totius status, siue vtriusque Prouinciæ, tam Vltromontanæ Sabaudie, quam citra Montanæ Pedemontis; Secundò quod Dignitates maiores post Pontificalem, & Prioratus Conuentuales in omni ditione eiusdem Ducis consistentes non conferrentur, nisi personis idoneis de locis ditionis ipsius Ducis, aut sibi gratis, vel acceptis de alijs locis oriundis. Tertiò, quod Prioratus Tallueriarum, Ripaliæ, & Noualitij, ac Prapositura Montis lous nulli prouiderentur, nisi similiter prius ab ipso Duce intentione habita de personis, quibus essent conferendi; & Quarto demum, quod non concederentur Gratia expectatiua, & speciales reservationes cum quibusuis providendi mandatis, nisi personis dumtaxat, quæ locorum eiusdem ditionis alienigenæ, vel extraneæ non fuerint, nisi fortassis eiusdem Ducis consensus alijs personis super huiusmodi Gratij obtinendis suffragaretur.

Hæc autem tanquam vera per possibilem hypothesim concessa quoad omnia Beneficia Ducatus Sabaudie, & Principatus Pedemontani non conueniunt neque concordant cū precibus paulò post expositis Sixto IV. per Ducissam Yolant Tutricem Philiberti Ducis Sabaudie, quæ his verbis fuerunt conceptæ, & relata: in Indulto Sixtino, nimirum — *Nobis nupèr exhibitæ petitio continebat, quod licet in Ducatu, Districtu, Ditione, Comitatibus, Terris, locis ac alijs Dominij Sabaudie vltra,*

& ultra Montanis, Dominio ipsius Ducis mediata, & immediate subiectis quamplures persone ex eiusdem Ducatu, distributione, & Dominio oriunde ad Ecclesiasticas Dignitates, & alia Beneficia Ecclesiastica secularia, & cuiuscuque Ordinis Regularia obtinendo habiles, atque idoneæ in numero copioso existant, eamdem quamplures alienigenæ personæ ad Beneficia huiusmodi diuersis, & exquisitis vijs aspirant, & propterea postponitur earundem oriundarum personarum promotio, & quampluribus ex eisdem, cum ipsis alias facultates non superpetant se in litterarum Studijs exercendi, ut fectar opportunitas, & ipsi alienigenæ in dictis Beneficijs non curant personaliter residere, quo fit, ut Diuini Cultus diminuat, & ipsa Beneficia in Spiritualibus, & temporalibus non modica patiantur detrimenta. Quare pro parte dictæ Ducissæ, nomine quo supra nobis fuit humiliter supplicatum, ut in præmissis opportune prouidere de benignitate Apostolica dignaremur, ut latius in nostro Summario Num. 2.

Et Summus Pontifex ex causis prædictis iustis, & rationabilibus tantum motus, nullaquæ habita consideratione ad Serenissimam Domum ipsius Philiberti Ducis Sabaudie prouidit; sed statuit, ut nullus alienigena, siue alterius Nationis, & Dominij Clericus, vel Regularis, qui non esset de Ducatu, distributione, vel Dominio huiusmodi oriundus Beneficia prædicta secularia, vel Regularia quæcunque deinceps vigore litterarum quarumcunq; expectatiuarum acceptare, seu obtinere posset, ut in eodem Summario Num. 2.

Si enim Serenissima Domus Sabaudie cum Nicolao V. antecessore Sixti IV. concordatum inisset super collatione, & prouisione omnium Beneficiorum totius sui Status mediati, & immediati eo modo, quo sibi fingunt illius DD. Defensores, qua necessitate præmebatur Ducissæ Yolant paucis ab illinc annis supplicationes, & preces porrigere Sedi Apostolicæ, ut ab ea tanquam nouum impetraret ex gratia, & ex motiuo pietatis erga Ecclesias, & Subditos, quod prætereundum poterat ex Iustitia, & vigore præcedentis concordati siue promissionis? In Indulto enim Nicolai præcisè continebatur, ut supra retulimus, quod gratiæ expectatiuæ non concederentur personis alienigenis, vel extraneis, nisi de consensu ipsius Ducis. In hoc autem Statuto, seu Ordinatione Sixti hoc idem statuitur, quoad gratias expectatiuas, sed nullum lus, nullusquæ consensus eidem Duci reservatur, nullaquæ mentio habetur de dicto asserto concordato, siue potius Indulto Nicolai, nullaquæ

quæ demum habetur consideratio ad prætenſum Ius Ducis, siue conuentionale; siue priuilegiatum exaduerſo prætenſum; euident vtique argumentum, quod antecedens Nicolai Indultum ab ipſiſmet Ducibus Sabaudia vsquæ ab initio, conſeſſionis habitum non fuerit tanquàm concordatum, sed conuentio, aut promissio coactiua vniuersalis, nec extendibilis ad vniuersum Statum, sed tanquàm merum, & simplex Priuilegium limitatum atquæ coarctatum, quoad Beneficia tantum Ultramontanæ Prouinciæ.

Nec releuat si dicatur, quod huiusmodi preces Sedi Apostolicæ porrectæ fuerint à Ducissa Yolant non informata; & inscia de Iuribus Serenissimæ Domus Sabaudia. Nam turpe erit recurrere ad Asylum ignorantia in re aded graui, & circa tam fauorabile Indultum Nicolai, quod à modernis defensoribus D. Ducis exaggeratur, tanquàm solemne concordatum, cui causam dederint motus Ecclesiasticorum, & Principum totius Europæ, nec non Statuta Basiliensis Concilij, & spontanea renuntiatio Pontificatus facta ab Amadeo Duce Sabaudia; Inuerisimile enim est, & humano intellectui ferè imperceptibile, quod vix concordato huiusmodi Priuilegio, quod prodijt de anno 1451. superuenerit illius inobseruantia, quodquæ Serenissimi Duces aded segnes fuerint in tuendo hoc Iure, nouitèr acquisito, & passi fuerint, vt beneficia sui Status conferrentur contra formam Indulti Alienigenis, & extraneis sibi non gratis, & acceptis, proit consuetum fuisse refert Ducissa Yolant in precibus Sixto IV. porrectis de anno 1474., sicuti inuerisimile est, quod ad occurrendum huiusmodi prouisionibus, & indemnitati subditorum totius Status eadem Ducissa recurrere voluerit ad præsidium nouæ gratia, siue ordinationis Pontificæ, quando pro tollendo contrario vsu magis expeditum haberet remedium petendi, vel obseruantiam Indulti Nicolai, vel illius confirmationem, & crescit semper vis argumenti si ponderentur duæ aliæ consimiles petitiones, sed supplicationes successiue factæ per Carolum Ducem Sabaudia de annis 1484., & 1506. san: mem: Innocentio VIII. & Iulio Secundo super simplici confirmatione Indulti Sixti IV. nulla habita ratione, nec mentione Indulti Nicolai V. Vt ergo hæc Indulta inter se compatiuntur, vtquæ petitiones Ducissæ Yolant, & Caroli Ducis Sabaudia saluentur ab ineptia, sed inopportunitate, necessario fatendum venit, quod præcedens Nicolai Indultum esset limitatum, & restrictum ad Beneficia Sabaudia, quodquæ successiue Indulta Sixti IV.,

Innocentij VIII. & Iulij II. eatenus impetrata fuerint à Ducibus Sabaudia, quatenus mediante dicto Indulto Nicolai non esset consultum Beneficijs reliqui Status, & Regionis Pedemontanae, quippe quae tanquam in dicto indulto nequaquam comprehensa conferebantur alienigenis, & extraneis per gratias expectatias; ideoque necesse fuit à Sede Apostolica nouiter obtinere hoc aliud Indultum, quod scilicet gratiae expectatiuae non concederentur alienigenis, & extraneis, sed tantum oriundis, vel incolis ex dicta ditione, super quibus necesse non fuit, mentionem habere de Indulto Nicolai, neque illius petere confirmationem, cum ea non comprehenderet, ut euidenter demonstrant omnes rerum circumstantiae supra consideratae, nec non tenores dictorum Indultorum insimul combinati, & discretius desuper loquendi modus in vtrisque adhibitus. Nam in Indulto Nicolai, ubi disponitur de Beneficijs verba sunt restrictiue, & limitatiue ad districtum temporalem Dominij Ducis Sabaudiae, cuius tantum contemplatione litterae Apostolicae promanarunt ut supra plenè demonstratum fuit. In Indulto autem Sixti IV. cum Gratia directa sit ad commodum Subditorum, & Ecclesiarum, sed Beneficiorum, minorum verba sunt magis ampla, & personas, seu Beneficia vtriusque Prouinciæ, & totius Status comprehendunt ibi -- *Quod licet in Ducatu, districtu, ditione, Comitatibus Terris, locis, ac alijs Dominij Sabaudiae ultra, & citra Montanis Dominio ipsius Ducis mediatè, ac immediatè subiectis &c.* ex qua quidem discretiua loquutione Summi Pontificis validum oritur argumentum diuersitatis vtriusque dispositionis, quodque scilicet in prima concessione ubi agitur de Ecclesijs Metropolitanis, Cathedralibus, Monasterijs, & alijs Beneficijs inferioribus limitata ad districtum temporalem Dominij Ducis Sabaudiae, non comprehendantur alia Beneficia Status, & Regionis Pedemontanae, quodque in secunda, ubi tantum agitur de Beneficijs minoribus, & de gratijs tantum expectatiuis à Sede Apostolica super eis concedendis tanquam magis lata, & per ampla comprehendantur omnia loca totius ditionis, & Dominij, tam mediati, quam immediati eiusdem D. Ducis, argumento sumpto à discretiuo modo concedendi Indulta, & ab usu Summorum Pontificum concedentium, ut in specialibus terminis Indultorum firmavit Sac. Rota in decis. 85. num. 1. par. 2. coram Caputaquen. decis. 632. num. 10. & 11. coram Dunogetto Iuniore, & decis. 599. num. 9. par. 18. tom. 2. rec.

Huicque intelligentiae magis fauent, quam aduersantur alia,

exad-

exaduerso exhibita Indulta successorum Pontificum, nimirum Leonis XI., Clementis VII., Iulij III., Gregorij XIIJ., & Clementis VIII. Quippè quæ sunt pari modo directæ Duci Sabaudia; nulla facta mentione Principis Pedemontani, repetita, semper expressione Confinium, dicti Ducatus, & præcedentia Apostolica Indulta confirmant, tanquàm concessa Duci, & Nationi Sabaudia;, nullibi vnquàm expressa, aut enunciata, Regione Pedemontana; vndè eo magis declarant præcedentem concessionem Nicolai ad Sabaudos restrictam, quemadmodum ex sola denominatione Regis Hispaniarum Sac. Rota Indultum limitauit ad illius Regna, nequè voluit extendi ad Comitatum Barchinonen. seu Cathaloniam, *vt in decis. 316. n. 7. part. 9. decis. 140. num. 7. part. 14. recent.*, & apud *Dianam part. 8. decis. 9. S. Ex his enim in fine*, & alijs pluribus eiusdem Causæ decisionibus suprà allegatis.

Vindicato itaquè plenario Iure Sedis Apostolicæ in Abbatijs, & Ecclesijs Status, seu Dominij Pedemontani exaduerso oppugnato, & excluso Iure intentionis, siuè consensus à D. Duce prætensi, tam ex natura, & qualitate concessionum Pontificiarum, quàm ex causa, seu ratione finali, nèc non ex proprietate verborum earundem concessionum, facilius eliditur quantum fundamentum contrarium inhiuxum in obseruantia, & exemplis exaduerso relatis; Quia tantum abest, quod hæc contraria obseruantia probetur, vt potius ex hac parte vndiquè clara demonstretur præ exclusionem Abbatiarum Regionis Pedemontanæ ex duabus declarationibus seriò, & solemniter à Sede Apostolica emissis, altera scilicet extraiudiciali, quæ prodijt mediante Organo Cardinalis Albrandini Nepotis sã: mem: Clementis VIII habentis viuæ vocis oraculum *Summ. num. 7., & 8.*, & altera Iudiciali, quæ emanauit de anno 1659. à Congregatione Particulari ad hunc effectum specialiter deputata à sã: me: Alexandro VII superius relata, & exequutioni successiue demandata *Summario num. 13.* Quibus stantibus silere debent omnes assertæ enunciativæ contrariæ à diuersis personis, siuè authoribus emissæ, cum in hac materia interpretationis indultorum, seu priuilegiorum; ea præualeat interpretatio, quæ promanat à Principe concedente, siuè eius successore, ea ratione, quia eius est interpretari legem, cuius est condere, vt decreuit Innocentius III. *in cap. cum venissent 12. de Iudic. ibique laud. Augustin. Barbof. num. 1., & seqq., & Ferrosin. num. 1., & seqq., & num. 46.* vbi plura tradit exempla, *Cyriac. contr. 141.*

num.48., Surd. conf. 558. num.6., Mantie. de tact. lib.2. tit.1. num.55., & seqq., Mansius consult. 352. num.21., & seqq. tom.4., & consultat. 375. num.38., & Rota decif. 89. num.6. coram Cardinali Cerro, ubi quod Privilegia Apostolica interpretari spectat ad Sedem Apostolicam, & ad eius Tribunalia, & in decif. 94. num.13. in fine post Merlin. de legit., ubi approbat Peregrinum conf. 9. num.4., & seqq. lib.6. improbantem interpretationes à laicis datas Indulto Apostolico.

Corroboratur hæc obseruantia interpretatiua ex actibus etiam positivis, nimirum ex continuatis per spatium centum annorum, & vltra prouisionibus omnium Abbatiarum in Regione Pedemontana vacantium, nulla habita intentione, sed consensu D. Ducis, quinimmo personarum propositione, sed commendatione semper reiecta, quoties ex parte D. Ducis fuit tentata, nec non desuper ex collationibus earumdem Abbatiarum indistinctè per Sedem Apostolicam factis, tam in subditos D. Ducis, quam in alienigenas, & extraneos, & quandoquè reluctante eodem D. Duce, & deinde acquiescente, vt latissimè, & per documenta vndique authentica iustificatur in Facti Informatione, & Summario, cui quidem obseruantie longear, & individuali, adeo venit de lure deferendum, vt eius interpretatio præferenda sit cuicumque intellectui, qui alias verior esset, & iuris dispositioni, aut proprietati verborum magis consonus, vt in terminis Indulti, siue litterarum Apostolicarum pluriès firmavit S. Rota, & signantè in decisione 632. num.20. coram Duno lunior. decif. 165. num.20. coram sa. me: Alexandro VIII. decif. 279. num.7. coram Royas, & in decif. 316. num.11., & num.15. part.9., & decif. 599. n.8. par.18. rec., & frequentè in alijs. Nequè ea excluditur, aut offuscatur ex nonnullis collationibus Episcopatum dictæ Regionis Pedemontanæ à Sede Apostolica, vt præfertur factis præuia Intentione, sed consensu Serenissimi Ducis, ex quibus cum resultet obseruantia nobis contraria in ea parte Indulti Nicolai, in qua agitur de Episcopatibus conferendis præuia intentione Ducis Sabaudie arguitur obseruantia quoad reliquas illius partes. Etenim huic obiecto, quod fortissimum ex aduerso appellatur, duplex occurrit validissima responsio; Quarum prima est, quod vt obseruantia interpretatiua alicuius Privilegij, Indulti, siue Statuti probetur, & suffragetur, necesse est omninò docere, quod actus, seu casus, qui allegantur, ita successerint, seu peracti fuerint in vim præcedentis indulti, statuti, seu ordinationis, alias si sint indifferentes, voluntarij, & sine præciso titulo antece-

recedenti, obseruantia non remanet concludenter probata, nec deseruire potest pro interpretatione; Quinimò ad eam excludendam sufficit possibilitas, quod dicti actus euenire, potuerint ex alia causâ, quam ex vi præcedentis Indulti, vel ex alijs possibilibus circumstantijs, vt ad nostrum propositum egregiè docent *Crauet. conf. 171. num. 14. & 15., Ancharan. conf. 339. col. 5. vers. ad secundam rationem, Decius conf. 402. sub num. 15., Mansi. consultat. 397. sub num. 70. tom. 5. Palm. nepos allegat. 155. num. 20. & 21. tom. 2., & Rot. decis. 333. nu. 34. part. 11. & optimè in decis. 308. num. 11. par. 17. rec.*, vbi alia plures concordant,

Vndè cum prouisiones Episcopatum Prouinciæ Pedemontanæ præuia intentione D. Ducis exaduersò non demonstrantur porrectæ in vim præcedentium Indultorum, & à Sede Apostolica fieri potuerint ex alia diuersa causâ, nimirum vel ex liberalitate, & munificentia ergà Serenissimos Duces pro tempore, vel ex præponderantibus qualitibus, & meritis personarum præpositarum, vel demùm ex alia causâ voluntaria, & facultatiua, nulla ex eis inducta dici valet obseruantia interpretatiua, vt in specie pluribus allegatis autoritatibus firmavit *Rota in d. decis. 308. num. 11. part. 17. recent.*

Secunda autem responsio est, quod nec ista obseruantia interpretatiua super collationibus dictarum Ecclesiarum Cathedralium Pedemontanæ Prouinciæ, est vniformis ad fauorem prætensi iuris, intentionis, seu consensus; Dùm plures dantur actus in nostro *Summ. d. num. 35. & seqq.*, in quibus vel Summi Pontifices non acceptarunt prætenfam propositionem personæ facta declaratione, quod D. Dux tali prærogatiua non polleret, vel omninò deformitèr à Nicolai Indulto ordinarunt, quod à D. Duce tres vel quatuor commendarentur *Summ. num. 37., & 38.* Quibus stantibus, alijsque similibus sedulo recensitis in informatione facti penitus excluditur obseruantia interpretatiua, quæ semper cessat vbi còcurrunt actus deformes, quinimmo etiamsi vnus tantum adsit actus contrarius *Palma Nepes allegatione 155. num. 20. tom. 2. Bonden. colluclat. 8. num. 201. tom. 2. Rota in recent. decis. 562. num. 15. part. 5. decis. 316. num. 16. part. 9. & decis. 260. num. 21. par. 13.*

Reiectis itaque omnibus contrarijs fundamentis, firma, & inconcussa stabilitate munita remanent lura Sanctæ Sedis, ad cuius fauorem propterea responderi supplicamus.

Quare &c.

Carolus de Ferrarijs Aduoc.